

Peranan pentadbir Universiti kian mencabar

Oleh : Syarimie Wosley & Siti Nor Aishah Muhamad

Gambar : Al Azam Razi

Hebahan : Berita@umk.edu.my



PARA pentadbir universiti khususnya di peringkat sumber manusia disarankan sentiasa memikirkan kepentingan negara dan industri pengajian tinggi daripada kepentingan berorganisasi malahan mengatasi kepentingan-kepentingan peribadi.

Justeru itu, pentadbir di universiti merupakan nadi dan tulang belakang dalam menentukan agenda pembangunan sesebuah universiti kerana mereka menggalas tanggungjawab besar terhadap pengurusan universiti.

Naib Canselor Universiti Malaysia Kelantan (UMK), YBhg. Prof. Datuk Dr. Raduan bin Hj. Che Rose, berkata, sejajar dengan peranan itu, pentadbir perlu bekerjasama dan berusaha membuat penambahbaikan pada sistem tadbir urus Universiti.



“Kerjasama menerusi perkongsian dalam pertemuan seperti ini membolehkan kita menyelesaikan pelbagai perkara dari sekecil-kecil isu sehingga kepada isu besar yang boleh sama-sama dilakukan untuk memastikan sistem tadbir urus berada di tahap terbaik,” katanya.

Beliau berkata demikian pada Majlis Makan Malam Sempena Mesyuarat Jawatankuasa Pendaftar-pendaftar IPTA Bil. 2, 2013, di sebuah hotel, di Kota Bharu, Kelantan, pada 17 April 2013.

Menurut Prof. Datuk Dr. Raduan, pentadbir juga harus memiliki pengetahuan luas khususnya dalam bidang akademik untuk mengharungi persekitaran yang semakin mencabar pada hari ini.



Tambah beliau, di samping itu, mereka juga perlu melakukan transformasi dengan segala perubahan-perubahan yang ada dengan membuat sedikit penambahbaikan melalui pendekatan tentang isu dalam negara dan apa yang berlaku di peringkat serantau serta di peringkat antarabangsa.

"Ini satu perkara yang menjadi kemestian untuk semua dan bukan sahaja di peringkat pentadbir, akademik dan sebagainya malah seluruh warga di sektor pengajian tinggi untuk melihat *trend-trend* terkini yang berlaku untuk kita melakukan perubahan mengikut acuan kita sendiri," ujarnya.

